

ҚҰРМЕТ

Жақсының аты, ғалымның хаты өлмейді

Гүлжауһар Шағатайқызы Жамбатырова еліміздің жоғары оқу орындары ішінде қазақтың қара шаңырағына айналған әл-Фараби атындағы Қазақ Ұлттық университетінің халықаралық қатынастар факультетінің тұңғыш деканы қызметін атқарған ғалым, арамыздан бақи дүниеге ертерек аттанып кеткен еді. Ұрпақтары, өзі тәрбиелеген шәкірттері, әріптестері оның ісін ұмытқан жоқ.

2013 жылдың 28 мамырында халықаралық қатынастар факультетінде Гүлжауһар Шағатайқызы Жамбатырованың 70 жылдығына арналған еске алу кеші өтеді.

Гүлжауһар Шағатайқызы 1943 жылы 29 мамырда Челябинск облысы Вернен ауданының «Солнце» ауылында дүниеге келген. Ресей топырағында дүниеге келіп, сонда білім алып, орыстiлдi маман бола тұрса да, ұлтына сүйіспеншілігі ерекше жан еді. Дәрістерін қазақ тілінде өткізуге тырысатын, қазақша үйренуге, қазақ тілінің құнарлылығын сезінуге талпынатын. Қазақ тілінде сөйлегенде әр сөздің қадірін біліп сөйлейтін.

Ол ұлағатты ұстаз, өте жоғары деңгейдегі білікті маман ретінде де танымал болды. 1966 жылы ҚазМУ-дің тарих факультетін бітіріп, осы факультеттің жалпы тарих кафедрасында ассистент болып қызмет етеді. 1974-1977 жылдары М.Ломоносов атындағы Мәскеу мемлекеттік университетінде аспирантурада оқиды. 1978 жылы Мәскеуде «1875-1878 жж. Таяушығыс мәселесіндегі Бисмарктың саясаты» атты тақырыпта кандидаттық диссертациясын ойдағыдай қорғап шығады.

1977-1992 жылдар аралығында жалпы тарих кафедрасында аға оқытушы, доцент қызметін, ал 1992-1993 жылдары тарих факультетінің сырттай бөлімінің деканы, 1993-1995 жылдары тарих факультетінің деканы қызметін атқарды. 1995 жылы әл-Фараби атындағы ҚазМУ-дің Ғылыми кеңесінің шешімімен Гүлжауһар Шағатайқызына ҚазМУ-дің профессоры атағы берілді.

Еліміз тәуелсіздігін алғаннан соң Қазақстан өкіметіне сыртқы саяси қызметін жүзеге асыру



үшін халықаралық қатынастар маманы өте қажет болғаны белгілі. Міне, осы кезде профессор Гүлжауһар Жамбатырова 1995-2001 жылдары ҚазМУ-дің халықаралық қатынастар факультетінің алғашқы деканы ретінде еліміздің дипломатия саласындағы мамандарының қалыптасуына баға жетпес еңбек сіңірді.

Сапалы білім мен саналы тәрбие берудің майталманы еді, әр дәрісін әсерлі де, қызықты өткізетін. Ғылыми-зерттеуінің негізгі бағыты — халықаралық қатынастар және Еуропалық интеграция мәселелері, Қазақстанның сыртқы саясаты мәселелері бойынша дәріс оқып, бірқатар еңбектерін жарыққа шығарды.

Гүлжауһар Шағатайқызы тұрақты түрде өзінің кәсіби біліктілігін арттыру мақсатында 1988 жылы Гумбольдт атындағы Берлин университетінде (Германия), 1995 жылы Оклахом университетінде (АҚШ) ғылыми тағылымдамадан өтті. Сонымен қатар білікті маман ретінде бірқатар халықаралық конференцияларға, атап айтсақ 1988 жылы Гармиште Дж.Маршал Орталығында өткен «Орталық Азиядағы аймақтық тұрақтылық және қауіпсіздік» атты тақырыптағы конференцияға және 1996 жылы Анкара университетінде, 1998 жылы Мюнхен университетінде (ГФР), 1999 жылы Ыстамбұл университетінде өткен халықаралық конференцияларға қатысты.

Гүлжауһар Шағатайқызының дәріс оқыған кезіндегі тағы бір ерекше қасиеті, өзін-өзі аудитория алдында ұстай білуі, мәдениеттілігі, сөйлеу мәнері, киінуі, ойын студенттерге жеткізе алуы және әрбір алдына келген

студентті мұқият, зейін қойып тыңдай білуі еді. Кез келген алдына келген студентпен тең дәрежеде сөйлесетін, ақылын айтатын, көмектесетін. Әрбір студентті өзіне жақын тарта білді. Оның жақсылығын, қамқорлығын факультетіміздің әрбір студенті, аспиранты, оқытушысы, қызметкерлері көрді, елдің бәріне шын көңілімен қолдан келген көмегін аямайтын және әрқайсысына анасы сияқты қамқорлықпен қарайтын. Бәрінің жағдайын сұрап, кімге қол ұшын берсем деп елпiлдеп тұратын жан еді.

Үлкенге де, кішіге де нағыз ақылшы дос бола алатын. Қабағына қарап-ақ көңіліндегі кірбінді байқап, әбігерге түсетін. Сондай жаны нәзік сезімтал еді, бір нәрсені ол кісіден жасырып қалу мүмкін емес. Адамның ішкі жан дүниесін түсініп, бірге күліп, бірге жылай алатын жан еді. Осындай адамгершілік қасиеттерін өз көзінмен көргенде апайға одан бетер тәнті болып, еліктей түсетінбіз.

Әдемілікке жаны құмар. Үнемі өзі де қасында жүрген ұжымын да әдемілікке шақыра білді. Дұрыс киіну мәдениетін көрсете білді. Бір сөзбен айтқанда қазақтың зиялы әйелі қандай дегенде, ұялмай үлгі етіп көрсететін кісі еді.

«Шәкірт жеңісі — ұстаздың жемісі» демекші Гүлжауһар Шағатайқызынан алған білім нәрімен сусындаған түлектері бүгінгі күні еліміздің түкпір-түкпірінде, шетелдерде жемісті қызмет етуде. 2002 жылдың 8 ақпанында Гүлжауһар апайымыз орны толмас өкінішпен бақи дүниеге аттанды. Орны толмайтын кайғы...

Адам өтер, бәрі де кетер, тек адамның сарқылмас сазы, өмірдің өшпейтін жолы, айтылар сөзі қалар мәңгілік. Ұлағатты ұстазымыз, қазақтың біртуар зиялы қызы Гүлжауһар Шағатайқызының жолы — бәрімізге мирас.

**Б.БАЛАУБАЕВА,
Б.БЮЖЕЕВА,
әл-Фараби атындағы
ҚазҰУ-дың
халықаралық қатынастар
және
әлемдік экономика
кафедрасының доценттері**

Еур Қаз

Құтмағамбет ҚО

ЕУРООДАҚТАҒЫ

Еуроодақ экономик-
дан бергі Еуропа тар-
созылған құлдырау-
жатыр. Еуростат мәлім-
сек, биылғы жылдың
айларында еуро айма-
елдің көрсеткіштері
мендеген. Бұрын са-
мистер құлдырау 0,1 п-
де болады деп болжа-
көрілген шараларға к-
жылы ЕО қарызы 3 п-
өсіп, 85 пайыздан ас-
триллион евро деген

Мамандардың ай-
басты себебі боры-
банктік дағдарыста
ның салдарынан қаз-
жұмыссыздық 26 п-
жеткен. Тіпті Финл-
цияның көрсеткіш-
кеткен. Енді бүкіл
ниялар шығын көл-
керлер санын қыс-
тұтынушылық сұр-
өндірушілер мен са-
жаңа қиындықтар
шылар өкімшілік-
бюджеттік шығын-
қысқарту жағдай-
нын айтады. Соға-
саткерлер көбірек
сатында бұрын-
шараларды баст-
Еурокомиссия Ш-
штейн, Сан-Мар-
Монакомен бан-
тартып, бұл елде
жалпыеуропалы-
кізу жөнінде ке-
Қазірдің өзінде
лабын қабылда-
үкіметі Еуроком-
таса әрекет ету-
дірді.

Кипрдегі оқ-
қа ауыр соққы б-
Астана эконо-
сөйлеген сөзін
ликасының П-
Назарбаев: «
жүйенің күйре-

Сапар